






KOORISIW NI SUMANSIW FURAKELI BE SOSIO SABATI

Ne 3nan




Koori ni sumansiw tinebagaw

Danni
joona

"Bolitumadon ka fisa
n-sen-ka- di ye wa
danni joona be
seneklaw bila
nogon nu ugcou"

"Kalan be mogo son hakili la, nka kunnafoni be mogo bo kunpan na" (Yoro Ulen Sidibe)

An ka bo i ko kōnokulu kalataw kene kan !



Tumani Yalam Sidibe

Damnamara kuraw (tambabolenw) neemogé sugandi kalataw bë senna. U taabolo fof kera ke mëkalo tile 2 ka ben a bolodacogo ma an ka jamana neemaaw fe. Ayiwa u taabolo filanan bëna ke o bolodacogo kelen kono zuwenkalo tile 6, san 1999.


N'an ye jateminé ke, an b'a ye ko an ka jamana neemaaw y'u seko bëe ke walasa ka kalata ninnu ke k'u kunbo : labenw kera geleyasira ni nögoyasira bëe kan walasa ka baara in ke sagonamogola bërebëre ye jamanaden kalatabaga kelen-kelen bëe bolo. K'a ke hakilisigi kono ani jelenya la. Walasa ka baara in ke a nema, ka soro mogo si walima ton kelen si ma ke denkeréfèfèn ye (fo ni min y'a yere senbo) jamana neemaaw ye dëmè don ton kelen-kelen bëe ma ni sefawari miliyon tan tan ye. O y'a to u ye mëkalo tile 2 kalataw laben ni miliyon 7 ye ani ka zuwenkalo taw laben ni miliyon 3 ye.

Fen min ye jamanadenw kunnafonini n'u lafaamuyali ye kalata ninnu kunkan, o baaraw fana ma ke tokajefen ye. Arajow ni telewizyon, fo ka se ganselisira lakodonnen tow bëe ma, o bëe bolo donna baara la. An bë se k'a fo ko Mali goferenaman ye waga ni gungurunw bëe bo. Min torasa o ye kene yere labaarali ye jamanadenw bolo. Kalata ninnu tako fof bëe kaye, Segu, Sikaso ani kulukoro fo ka se Mooti maraw ma. Fen min ye zuwenkalo tile 6 taw ye, olu bë körönfénmaraw taw kunkan : Gawo ni Tumutu ani Kidali.

Kalata ninnu de b'a to duguw kónomogow yere k'u wasa don u ka danayamaaw la u togolakow ne naboli kama. O siratige la, maa si man kan ka to sendonbali ye. K'i yere ne nako k'i koko ye walasa i kana nimisakasi ke don do ko : "ni n tun y'a don...". O man kan. Jama ka kan ka bo i ko kónokulu, nin don kofolenw na walasa ka don gundosonin kono n'a ka danayamaa togó ye. O b'a to an ka sigidaw bëe labaara an yerew sago la. N koro yera kene kan, n dogo yera kene kan, o si te maa yere ka kenekanboli bo. A bë fo ko : "ciden walima nonabila bë maa senw lafiya, nk'a t'i wasa". Sigidako ye sigida jamakulu kelen-kelen bëe de kunko ye, an k'an yere ke kéréfemaa y'o la ko politikiko dan b'i yere ye ! A man kan an k'an yere ke kéréfemaa y'o la k'o sababu ke hakilinan jugu si were ye. Fasoko don. Maa kelenko te.

Ni maa min dun y'i yere bo fasoko la ten, fadenw b'i mara ten fana de faso kono. Oro, an kana a to fasoko taasira si da ka to an na, kuma te an yerew n'an denw an'an bonsor tow bëe ka sinijesigi baara taasiraw ma.

"MPC", Mali Sénefénw Lakanani Cakeda



Mali Protection des Cultures

Aw mago bë fenjenama-fagalanw na, a muguma n'a jima,

Aw mago bë sumankisefurakelanw na, nakokonofen kisew la,

Aw mago bë binfagalanw ni bagaji fiyefiyelanw na, Binfagalanw na, "CALLIFOR" bë yen. Ale bë bin silatunu koori jukoro.

- "RICAL", ale bë bin bëe faga malo koro.

- "ALLIZINE", ale bë kaba binjuguw bëe faga.

Nin binfagalan ninnu bë bin silatunu foro kono tile 45 kono na.

- "CALLOXONE", ale bë bin jeni k'a ja tile damado.

- "KALACH", ale bë jongon ni jole (bin jugu fila) silatunu tile 10 kono na.

- "MARSHAL", fenjenama-fagalan muguma lakika don min bë sumansiw furake.

Fiyefiyelan "MATABI"

fana bë "MPC" ka fenjenama-fagalan feeretaw la.

Fenjenama sugu bëe forokononaw, baganw ani jiginekononaw taw, ninnu bëe bë soro "MPC" ka cakeda la.

A ye wuli k'aw kunda :

Dibidanin kan Bamako, Hamadu Ture
ka du la.

A file Remon Puwenkare togola bolon
kono

Bataki temesira : 603

Negejuru temesira : 23 35 34

Subahanamansintigiw bë se ka "MPC"

lakodon nin sira fe :

e.mail : MPC Cefib.com.

Mali sénefénw lakanani cakeda sigikun
ye Mali séneko yiriwali de koye.

K'aw to "MPC" ka fenw kan, sumankisef
marataw sénefénw bë lakana konuman.

Siga t'o la.

KOORISIW NI SUMANSIW FURAKELI BE SORO SABATI

A kolosira k'a fo ko ninew ni fənjenamaninw ye geleyabaw ye sumansiw ni koorisiw lakanani n'u lasagonni na. Senekela ka samiyé sabatili dō bē soro si numanw danni na. O la, senekela bē fən o fən dan (kabasi, nəsi, tigasi, koorisii ni bənesi ..) a ka kan a k'a furaké, k'a lajo konuman. O siratēgē la, CMDT ye fəerē dōw soro wala-sa koorisiw ni sumansiw bē se ka lakanā ka cikela ka wasa bō a kono.

Mun ni mun bē sumansiw ni Koorisiw tijé ?

Siw marayɔrow la, nkoboninw ni fənjenamaninw n'u nəgonnaw b'u tijé. Danni waati, n'i ye siw don dugu la, ka soro i m'u furaké, fənjenamaninw bē ke sababu ye k'u tijé. Nkoboninw ni ntumu y'olu fənjenamanin dōw ye. Ngelsenw ni kono fana ye sumansiw ni koorisiw tijebagaw ye bawo olu bē siw wogobe ka bō dugu la.


Koorisiw ni Sumansiw Furakékun:

Koorisiw ni sumansiw furakeli nafa ka ca. A b'u tanga ka bō

fənjenama dōw ka tijené ma:

- Kono ka tijené,
- ninew ni totow ka tijené.
- Nkoboninw ka tijené
- Ntumu ka tijené n'u nəgonna caman. Koorisiw ni sumansiw furakeli b'u tanga fana ka bō bana dōw masibaw ma. U furakeli konuman b'a to u bē falen ka ne. N'u falenna, u siyé wulicogo ka ni bawo u bē to u sawura koro la.


Koorisiw ni Sumansiw Furakocogo :



Ntumu, Koori tijebaga dō

Koorisiw ni sumansiw bē se ka furaké waati bē. Nka waati fila kerenkerennen don u furakeli kama:

- Waati folo ye koorisiw ni sumansiw marawaati ye maga-



Daniyeli ni Teli bē ka sumansiw furake

sanw ni jiginew kono

- Waati filanan y'u dantuma ye. O la, koorisiw ni sumansiw bē furaké tile 3 nōgon ka kōn u danni ne. Koorisiw ni sumansiw furakelān ka ca nka kerenkerennenyalā dōw file:

Corali : Furamugu nugujima domin bē mananin kono. A girinya te teme garamu 25 kan. Ale bē ke ka sumansiw furaké.

Korisijolan : Furamugu ne bilen don min bē ke ka koori furaké. A bē se fana ka ke ka sumansiw furaké. Ni keninge ni sajō don, corali garamu 25 bē ke k'o kilo 10 hake furaké. Nka corali garamu 25 de bē ke ka kaba kilo 25 furaké. Corali be se fana ka ke ka si tow furaké. Corolimugu bē ke si marata la k'a nagami fo k'a labo ka soro k'a datugu. A bē mara yoro jelen na denmisénw ni baganw te a lasoro yoro min na. Min ye sijolan ye, ale bē ke ka koorisii furaké. Nka, a bē se ka ke ka si tow furaké. Sijolan garamu 180 bē ke ka tari kelen koori furaké. Corali ni koorisijolan bē bē nagami cogo kelen na.

Kolosiliw : N'i bē koorisiw ni sumansiw furakeli la, i b'i geleya k'i tegew lakana ni tegelakananan ye. N'o ma soro i bolo, ni baara banna, i b'i geleya k'i tegew ko k'u je ni ji ni safunes ye. O cogo la, i yerebakun bē tanga ka bō sijolan ninnu masibaw ma. K'i to a baara la, a te ben i ka sigarati min, ka dumuni ke walima ka woro nimi. Ni sijolan funteri ye mögo minnu degun k'u kirikara a bē ninisenekekaw fe u k'u teliya ka se n'olu ye joona kenyasow la-

Ntarla Seneke Nininikeda San 50 dafara.


Ntarla Seneke nininikeda san 50 dafara jinan.. O hukumu kono, nena je dow kera. Ojenajew senfe, u y'u baaraketogon senekele waraba dow ladiya . Ladiyalifen dow dira Ntarla yere cakeda baarakela dow ma . Nisondiyafen minnu dira maa kofole ninnu ma k'a da u ka faamuyali n'u ka cesiri kan. Ntarla senekoninikeda sigira senkan san 1949 faransikaw ka kooriko ni bagiko cakeda fe min be wele ko I.R.C.T. Ntarla seneke nininikeda be Kucala kubeda kono . Kilometere 40 hake de b'a ni Kucala kafo ce . Ntarla senekoninikeda in sigilen be kene min kan o ye taari 270 ye . O la, 82 labennen don jinini baaraw kama, 98 be maplan kama. A to, sisow ni baarayorow n'u pogonnaw b'o kan. Ntarla seneke nininikeda ka baara fanba jesinnen don koorisene jidisraw laboli ma Mali kono. Sumansiko fana donnent don ba la nininikeda in fe . O be Sinzana nininikeda ka bolo kan.. Nena je in senfe, ladiyalifenw dira maaw ma Ntarla ka baaraketaw

sabatili kopuman kama. A baaraketogon b'olu la fo ka taa se senekele warabaw ma . Bubakari Goyita, Makomo Tarawere, Warazan Danbel, ninnutun ye Ntarla baarakelaw ye rka u fatura (Ala ka hine u la) ladiyalifen dira u komogow ma (ciwara ani sefa wal-i darome ba 4) Nin nena je ninnu dabokun ye Ntarla lakodoni ye, Baara minnu be ke nininikeda in fe, olu ka lakodon jama fe i n'a fo a baarda nemaa Amidu Sangare y'ajira cogo min. A dabokun fana ye san 50 temenen baara kelenw noboli n'u fesefeseli ye. Sigida yere ladodoni na, maaw tulo donna Ntarla ka neernayoroko de la



Jamana nemaaaw ni...

kosere . Ayoro samiye b'a damine Zuwenkalo fo Setanburukalo. O ye tile 100 fo tile 110 jiko ye. Sanji sumani jate be sigi milimetere 850 la san kono . Tilema b'a damine okutokurukalo fo mekalo . Neneko ni funteniko be ye o furance kono. Ntarla ka baaraketaw ni baara kelenw nasira la, sinsin kera baaraketogonya kan. O siratege la, da sera u ni CMDT cesira ma. San 50 in kono, Ntarla seneke Nininikeda ye baara caman ke senefenw yiriwali siratige la. O baara do kera koorisiv yiriwali ye min kera sababu ye ni jamana ye joyoro soro koori hake bota la Farafinna (a ka ca ni toni ba 500 ye).



jamadenw tun be kene kan .

Politikiko taabolo

Sebenjekulukuntigi ka kalo hakilijagabo

Sariya tigilamogow ka sigikafoba senfe, jamanakuntigi Alfa Umar Konare ma nogo si to kuma na. A ka fo la, jemufanga sinsinnen don "fanga ka fanga lajoli de kan". I n'a fo a be fo bamanankan na cogo min na, "sete se sa". O de kama ben k'er'a kan ko sariya tigilamogow fana y'u danma fanga ye. Nka, walasa fasodenw be bo o waleba nunma, wajibi don sariya tigilamogow fana ka tilen ani k'u senbo yurukuyurukunafolo ni surufen mineni na. Ni maa min dun dagayoro kera Bamako kasobonba ye hali ka a dan tile 20 doren ma, i b'a don ko Malidenw n'o hakillatige yoro ka jan u ka sariya tigilamogow ka tilennenyako la.

Tumani Yalam Sidibe

Politikiko taabolo

Yali aw b'a don ko Bamako kasobonda falen don maawde la i ko dakononinw ? Yali aw b'a don k'o jama hake 1300 ni ko la, ko maa 800 ni ko be nangili gansan kadara de kono wa ? Aa, Mali kiiriko!! Nin ye koba ye!!! Ka i yere soro Mali kasobon kono, o ye yoroninkelenko ye. Hali sira gansan senfen ! Nka-k'i yere boto ye yen ka soro mogo nенама t'e bolo, ka soro wari dita t'e bolo. San kelen, san fila fo san saba kasodenw de tonnen be ногон kan Ala sago la kasobon kono, k'u weledon makono kiiri tigilamogow fe. Aa, babugubaara deresi ! Yali Kiiriko Setigi Jabateke be nin fana kalama wa ? Ayiwa, n'a ma wuli k'a jo, a ka sagajigi da bena laban bogeo la de !

Tumani Yalam Sidibe

U ko...

Bi man di, sini man di, o numan ye sufeboli ye.

Mosere Baalo ka bo Kababugu, Kati kubeda la.

Konodennin ka majumankokan t'a tila seeredenw na.

Alu Baalo ka bo Kababugu, Kati kubeda la.

Nsonzannin ma cike a fa ye, a fa yere ma muso furu a ye, si ka jurut si la.

Maadu Konate ka bo Sala, Kati kubeda la.

Ni tasumajeni ma ban; nton man kan ka taa nton sanga fo.

Gawusu Konate Cikela ka bo Joyila.

Dingeslatige te kotige ye wa batige fana te. Dingeslatige be i ko moribayasa donkan. Waati dow la i b'i can k'i co, tuma dow i b'i co k'i can i ko maribayasadonna. A laban o laban, i na tila k'i coko i ko sulacekora.

Baba Gindo ka bo Maanbugu, Bamako.

Tugafetaama dabokun ye dususuma ko ye hadamaden yere ka dingesosigi kono. Ni maa min m'o soro i ka dinyaala senfe, seginson y'i ma wajibi ye. Nka n'te segin so, o ye so mangoya soro i dusukun na.

Salifu Kuyate ka bo Joliba.

Kalo ladilikan

Mun ka di ka teme foro waga boko senekeluman kan ? O fente yen. An be balo ale de la ani ka sini nesigi n'a ye. Dinges fan bee, senekela de ye kotigi ye, barisa konobara lankolon labaara dinges ma da Ala bolo folo. O kama, an b'a nini an ka dugukolo tonoboli tigilamogow fe u k'u wasa don u ka faara keko numan na, n'o kera u be dinges diya anw n'u yere bolo.

Tumani Yalam Sidibe

Danni joona

"Bolitumadon ka fisa n-sen-ka- di ye wa danni joona be senekelaw bila nogon ne"

Sanji te laboli ke kosebe i n'a fo folo cogo la . O kama, CMDT ka ladilikanw na ka j esin senekelaw ma; o do ye danni joona ye. Nin seben in kono, an b'an sinsin koori kan danni joona siratige la.

Danni joona nafaw:

N balimake, nafa jumenw be koori danni joona na ?

Koori danni joona nafa te se ka fo ka ban . A dow file :

- Koori be kogo ka samiyé to senna .

A dow la, jiko dese t'a soro

- Wa fana a perencogo be sabati, koori bu be sanuya.

- A be kisi fennanamanin dow ka tineni ma.

- Koori be girinya; o b'a to taari kelen soro be jiidi .

Zuwenkalo ye koori danni waati ye.

Nka, k'a da sisan samiyé n'a cogoya

kan, koori danni be se ka damine Mekalo tile 20 fo a tile 30 n'o y'a soro sumaya ye dugukolo labo. Ni kaba don, o be se ka dan kabini Zuwenkalo tile folo fo tile l5. Senekele minnu b'a fe ka kaba kene feere joona, olu be se ka a danni damine Mekalo tile 20 fo a tile 30. Ni Ala ye sanjiko sabati, a do la kaba be nafaba lase u ma.

Danni joona sabatili baaraw :

Walasa danni joona ka se ka sabati senekele bolo, a ka kan ka baara dow matarafa :

- Ka senekele bolo ka ne,

- Ka ntugujalanci ke joona,

- Ka tolino go doni joona k'a don foro la,

- Ka wulili ke joona,

- Ka dannikeminew laben a tumana,

- Ka kooriswi ni sumansiw laben ani k'u furake joona.

Danni joona ye baara ye min be ke sababu ye ka senekele ka soro yiriwa ani ka dunkafa sabati cikébugudaw la. O kama, senekele ka kan k'o fara u ka senekefeew taabolow kan.

Musa Zano Tarawere
Kucala CMDT Kalanko Bolofara.
Latombaga Yusufu Jalo

(ne 4nan to) LADIYALIFENW DICOGO KATIMU

Togo ni jamu	Ladiyalifen	Dikun	Dibagaw
Adama Kulubali (ka bo Nankorola) Boro Kulubaly (ka bo Jesiribugu) Daouda Kulubali (ka bo Zanjela)	Seereyaseben ni Ciwara	Baarake-nogonya sabatili konuman	Jiko ni Togoda Yiriwali Setigi Modibo Tarawere
Aba Ture.	Seereyaseben ni Ciwara	Jamanaden feeretigi folo min ye baara ke Ntarla	Sikaso mara nemaa.
Bubu Bagayoko Maliki Sidibe	Seereyaseben ni Ciwara	Cakeda minnu ye waati jan soro Ntarla (san 23)	CMDT neimaaba Dirisa Keyita
Amidu Sise; Bakari Dembele ; Mori Male ; Mamadu Kulibali ; Sidiki Kulibali	Seereyaseben ni sefa wari dorome ba 4	Baarakela koro minnu be lasigi la	Elaji Umari Tali ani CNRA nemaa Adama Tarawere
Amadu Gaku	Seereyaseben ni Ciwara ni ji hakedonnan	Baara-kenogonya sira	Sikaso mara nemaa
Zan Masa	Seereyaseben ni Ciwara	Ntarla nininikeda nemaa folo	Jiko ni Togoda Yiriwali Setigi Modibo Tarawere
Zaki Kadu	Seereyaseben ni Ciwara	A ka cesiri Ntarla baarakeyorow labenni konuman na	Jiko ni Togoda Yiriwali Setigi Modibo Tarawere

Ntarla ni CMDT y'o baaraw ke nogon fe. Sumansiw yiriwali siratige la, o baarakenogonya kelen kera sababu ye salon cikesan (97/98) suman toni miliyon kelen ni ba kem fila (Tonni 1 200 000) ka soro CMDT ka maraw kono. Senekele ni jamanaden tow ka nisondiya kama neñajie in labenna .

Ntarla neñajie ninnu kunceto donkotigi Amidu Sangare y'a ka foli lase Ntarla baarakelaw ni nininikelaw bee ma. Neñajie ninnu labenna ni CMDT ka deme ye. Jamana senekele caman tun beñenajein kene kan.

Dunan caman fana yera u kene kan ka fara jamana nemogow ni jamanaden caman kan.

Musa Zano Tarawere
Kucala CMDT Kalanko Bolofara
Latombaga Yusufu Jalo

TOLINOGO DONNI

Noga don ye waleya ye senekela ka kan ka min ke walasa ka dugukolo mana don, k'a sogoloncogo ne a ka fanga soro ka balofenw di senefenw ma.

Nogodon kun ye mun ye ?

Senefenw ka ne, soro ka caya. Dugukolo ka balofenw caman soro, a sogoloncogo ka ne, a ka kuraya a fanga kana ban fo ka se a tijeni ma.

Nogodon be ke yoro jumen na ?

Dugukolo fen o fen be sene, nogo ka kan ka don olu bee la. Yaro minnu dugukolo ka ni, n'u donnen kura don sene na, nogo ka kan ka don olu fana na walasa a dugukolo kana tine.

Nogodon nebila baaraw

Senekela ka kan ka werengana jo walima ka nogodinge sen nogo dilanni kama. onitalan ka ke a fe in'a fo wotoro, nogo donni karna. Baarakeminew ka ke a fe dugukolo bulukuli, dugukolojalanci, binsiyen ani korobarali kama.

Tolinogo ye mun ye ?

Tolinogo ye. nogo ye min be dilan senekelaw fe u ka duguw kono. Tolinogo be se ka dilan werengana walima nogodinge kono. Tolinogo be don foro la walasa ka foro dugukolo mana don, k'a sogoloncogo ne, a ka fanga soro. Tolinogo be ke sababu ye ka balofen caman di senefenw ma ani ka fanga don dugukolo la.

Kanga be ke sababu ye ka dugukolo sogoloncogo ne, fo dugukolo be se ka ji caman mara . Ni tolinogo ye dugukolo labo, a be fanga soro, sege te se k'o dugukolo tine. O koson, a

ninen don senekelaw fe u kana damannoga doron don foro kono, u ka tolinogo don folo damannogo be ke k'a dafa. An ka don ko tolinogo barika ka bon, a be dugukolo mana don, a be balofen caman di senefenw ma. Tolinogo be dilan senekelaw fe sigidaw la werengana walima nogodingew kano

Tolinogo be don waat jumen ?

A be ce ka taa foro la samiyedonda fe, ka damine awirili kalo la fo mekalo la. Nka ni senekela minnu be tolinogo doni feburyekalo ni marisikalo la, olu ka kan ka nogo ke tonba ye foro kono. Nogo kana yereke ka soro bulukuli waati ma se walasa tile funteni kana a ja ka nafamayoro bo a la .

Tolinogo hake donta

N' a gansan don, a toni 10 de be ben taari kelen ma. N'a ni damannogo be don nogon fe, a toni 5 walima toni 7 de be ben taari kelen maq n'o dogyalenba be ben fali wotoro ne 50 ma.

Kolasili:

Tolinogo be yereke ka datugu bulukuli ketuma na. A ka ni senefen bee ma, nka a ko ka bon minnu fe kosebe, o ye majoo, koori, malo ani nakofenw ye .

Musa Zano Tarawe
Kucala CMDT Kalan Bolofara
Latombaga Yusufu Jalo

Poyi : Jele

N teri, he n teri!
Jele wa ?
E be taa min n'o ye ?
A fo e b'i ka jiribatige in na halisa ?
Hun ! ne jore la.
N dogow, n koro
Anw ka jirimaw bee taara min ?
Anw ka tubaw be min ?
Anw ka magonejiri tow be min ?
Anw ka magonebinw taara min ?
Anw ka kow be cogo di sisan ?
Anw ka senekoyoro numanw bee kera cogo di ?
He ! K'anw ka jiriw bee tige,
Ko saribonko,
Ko dogoko,
K'o ye wariko ye.
He Ala ! an k'an miiri dooni.
N teri, e t'a don ko jiribatige be sigida lankolonya ?
E t'a don ko jiri ni bin ye dugukolo birifini ye ?
He ! Ne siranna !
Ne siranna jele ne
Ne siranna tasuma ne
Dugukolo birifini farabagaw,
Ne siranna aw ne.
Soro nagasibagaw,
Ne siranna aw ne.
N teri, n'i ko dunkafa, i ko sene.
N'i ko sene, i ko sanji.
N'i dun ko sanji, i ko jiri
Aw ye wuli.
N koro
N dogow
N faw
N baw
Aw ye wuli
An ka sigidaw lakana.
An ka jiri turu
An ka gakulujanako labato.
Aw ye wuli, an ka dugukolonon kunbebaaraw ke.
"Banakunben ka fisa ni banafurak ye".
Ni jekafye daamu ye, jekabaara de nogon te.
Aw ni ce

Musa Zano Tarawe
Kucala CMDT

CMDT ye dème don togoda arajosow ma

Joda belebele bə arajosow la kunnafoniko nasira la. O sira kan, togodaw jiidili la, CMDT ye feere damadow tige walasa o ko bə ne soro. O baara la, a y'i sinsin togoda arajosow demeni kan, jamana marayoro sabanan ni naaninan kono. O de kama, k'a ta marisikalo tile 8 fo a tile 13, CMDT togola cidenkulu do wulila ka togoda arajosow segeré Sikaso ni Segu mara kono. Taama labenna CMDT ka togoda jiidili feere nemaayasoba fe ka a nekun di

Jekabaara : *Dənkotigi, tile 6 taama in kunkun n'a nənjen fəsəfəsə an ye yaasa an bə kibaruyaw soro a kun kan.*

Dənkotigi Mamadu Lariya Sise : CMDT sigilen don Mali jamana worodugyanfan duguw bəe yiriwali de kama. Jatew la, dugu ba woɔro (6000) haké de don. Bamananw b'a fo ko "bolodenkonin kelen te bele ta". Wa fana a bə fo ko "kənokulu jelen de bə bii fo". O bə mun jira ko maaw k'u bolo di nəgən ma.

Tile 6 taama min foorilen file nin ye, a dabəra ka worodugyanfan dugu damadow labo, k'u kumanogonya yaasa an ka baaraketaw waleya nəgən fe. O baara bolodalenw te dōwəre ye ka togoda arajoso kura sigilenw dème cogo min u ka baaraw bə ke ka ne. Den taamalen kura bə teete walasa a ka binni bə dogoya. Bawo arajoso ninnu dōw dayelenni te teme kalo naani kan. Deme minnu bə se ka don u ma, taama in dabora olu jatemineni kan. Wa a bə ke Buguni, Kələnjeba, Sikaso, Kucala, San ani Bila.

Nininkali : *Dənkotigi Mamadu Lariya Sise, arajoso ninnu hakilina nana codo di ?*

Jaabi : I k'a dən n bora k'o de fo n ka kumanogonya damine na, "CMDT" hamı te dōwəre ye togodaw ka netaa jiidili n'a sabatili ko. Demejekulu minnu ni Mali tege bə nəgən bolo a ka netaa sira kan, olu y'a jatemine ko CMDT ni dème ka

kan a ka togoda jiidili feerew sinisinni na. O jateminsbaga kera diŋ seleke naani baloko tiimeti jekuluba ye n'a bə weele ko "FAO". Farajejamana do bə yen ko Olandi, o ka demejekulu bolofara min bə weele ko "SNV" o y'i fanga da "FAO" ta kan ka CMDT bolomagen nin togoda arajoso ninnu sigili la. O kama, CMDT ye bolifén (moto n'an k'o ma fana ko pɔpɔ) fila fila di arajoso naani ma : arajo Benso n'o bə Kələnjeba, Uyesu n'o bə Kucala ; arajo Kafokan n'o bə Buguni ani arajo Bendugu n'o ye Bila ta ye. CMDT tilala ka sefa wari miliyon fila fila ke bolomadəmə ye arajoso ninnu kelen kelenna ma.

Nininkali : *Arajoso kura ninnu da sera gelyea jumenw ma u sigi ni sisian ce Dənkotigi Sise ?*

Jaabi : Arajo labaarali te ko nəgən ye kərəmanw bolo sango kura sigilenw. Degun minnu kofora kabii taama in tile fo fo a fooridon olu caman bə tali ke fən damadow la : tajiko, baarakeminenko (gafew, kayew, səbenni, yamaruyasəbenw kantalanw) sigilanko, kurufeko (kaseti) an'a nəgənna caman kan. A bə te se ka fo ka ban.

Nininkali : *Dənkotigi Mamadu Lariya Sise, i ka dakurune laban ye mun ye ?*

Jaabi : I n'a fo n bora ka a jira n ka kərəfo senfe cogo min na, taama in kun te dōwəre ye ka wuli ka i bolo da gelyaw kise kan togoda arajosow la; ka gelyaw sidon lakika la. O baa-

Dənkotigi Mamadu Lariya Sise ma. Togoda lajənamaya-li nəmaaya kalifalen don ale la CMDT cakedaba la Bamako. Tile woɔro taama in na, Jekabaara togolamaa tun b'a la n'o ye Yusufu Jalo ye.

An ye karamogoba feeretigi Mamadu Lariya Sise nininka dakurune damadama la a ko kan. Min bora o kumanogonya la, o file nin ye :

raw kelen ko nəgən fe tuma min na, an bəna a laje nəgən fe tun degunw ni gelyaw bəe ka furake walasa togoda jiidili bə ke sabatifén ye halibi ka taa a fe. O hukumu kono, taama in nəgonin na, tile 6 kalan bolodara Buguni k'a ta, marisikalo tile 14 ka taa a bila a tile 20 na. Kalan min bolodara CMDT fe k'a nəsin togoda arajosow baaraketaw ma (nəgə feeretigw) o bə bila arajobaaraketaw ka kalanko degunw dəgoyali minen kono. Nin tile 6 taama min foorilen file, a ka ni n ka maaw fo maa o maa kera sabu ye a baaraw ka tiime kojuman soro : Bugunikaw, Kələnjebakaw, Sikasokaw, Kucalakaw, Bilakaw ani Sankaw. Jekabaara fana ni foli ka kan sabu ale ka ciden yera tile 6 taama in na n'o ye e yere Yusufu Jalo ye. I yere bora ka a ye ko Jekabaara ye cikəlaw jigi ye kunnafoni səbennən nasira la. Cikəlaw ni kunnafonilasesəben in kanubaaw ye kuma minnu don i tulo la, n b'a dən i bəna olu lase i ka nəmaaw ma. N bə min jini Jekabaara fe, n'a ma ne k'a fo a fana hamı ye togoda jiidili de ye, kunnafoni bəre ka lase cikəlaw ma u ka netaa sira kan, o tuma su ani tile, Jekabaara ka ye kene bəe kan. A weelela min na o, a ma weele min na o, a ka ye ka kunnafoni lakika təmə ka a jənsən jama-na fan bəe la. Cikəlaw ye.


Kumanogonya kərəfo tabaga Yusufu Jalo Jekabaara ka ciden

NSIRASUN, KUNGOKONJIRI NAFAMA.

"Togoda Soroko" ye Jekabaara ka kene sigilen ye min be kungokonjiri nafamaw kan. Mali kungokonjiriw sugu ka ca. Togodalaaw b'u mago caman ne a caman na. U b'u toncbo, ka tila k'u daw ke k'u ka sorço sabati n'u ye u ka sigidaw kono. **Nsirasun** y'o jiriw do ye. Walanda folo bëna boli **Nsirasun** kan. Nafa min be nsirabulu ni nsiraden na, o bëna las'aw ma nin boko in na. O kuntilemma na, an wulila kë se Togoda Soroko Cakeda ma n'o ye "IER" ye. O la, an sera a ka bolofara ma min be Sotuba n'ale nesinnen be Moni ni Kungokonjiri Soroko jiidili ma. An ni o njemaa Haruna Yusi ye njogon kumajogonya.

Somogcsama min bora o kumajogonya konkona na nsirasun kan, o file :

Nsirasun ye kungokonjiri ye min ka ca wa a lasa ka di sahelijamanaw kono. Nsirasun ye jiri belebele ye min njome nugulendan. A lo be se metere 7 fo 10 hake ma. A bolo ka



Y. Jalo

ca, a be bulu bo wa a be den. A den girinya be se tuama do fo kilo 1. N'i ye nsiraden feren, i be kise finman kolo gelén caman sorço a kono. Nsirasun ye jiri ye fana min den be sebekoró kari maaw fe wa a kelen de ye kungokonjiri turuta ye maaw fe.

Dow ka fo la, nsirasun bora jama na dow la i n'a fo Madagasikari ani Ositarali. O waati la, dije dugukolo tun ferenferennen ts (bi ferenko 5 don genji be woyo u ni njogon ce). Nsirasun yeli jamanaw kan minnu tengunnen don genji la, o y'a to dow ko nsirasun folola yen jamanaw de la. A kisew junjunni Farafinna Gunkanna na, o y'a to a ye sahelijamanaw lasoro.

N'a bora Mali koronfeyanfan na (Kidali ni Gavo), nsirasun be ye jamanarayoro tow bee kono : Kaye, Kulukoro, Sikaso, Segu, Mooti ani Tumutu.

Segu mara de njogon te nsirasunko la jamana kono.

Nsirasun suguya naani (4) de dönnen don : nsira fin, nsira bilen, nsira je ani nsira möröni.

NSIRASUN NAFA

Nsirasun be nafa caman lase maaw ma nafa minnu be sorço a bulu n'a den na.

Semenan "A" n'o ye farikolo nafalan ye, o be sorço nsirabulu la. O be ke

nadaga caman kono jamana in kan haali. Min y'a den ta fan ye, kolodonnan ni hakilidiyalan semenan be sorço o la. Nin haju fila kama, nsirasun bulu n'a den be kari maaw fe. Maaw be wuli o baaraw fe marisikalo fo zuwenkalo tilance waati. U ka sorcta mana ke min ye nin baara ninnu na, o tila ni murumuru be doni ka taa a feere suguw la. A tonin be don du ka dunta dafe.

Nsirasun joda ka bon jamana soroko la. Jate dow y'a jira ko nsirabulu toni ba 20 de be bo san o san. Jamanaden kelen kelenna be kilo fila hake de dun nsirabulu la san kono. O jate kelenw y'a jira ko sefa wari miliyari kelen hake de be munumunu nsirabulu kelen doren kunkan san kono. Nsiraden ta kuma te fo.

AN KA NSIRABOLO MINE.

Nsirasun nafa koson, "I.E.R" ye feerew tige walasa ka nsirasun nafamaw don ka bo tow la. O baaraw tu tigera Togoda Soroko Cakeda in fe Banankoroni ni Sinzana kabini san 1996 waati. Nsirasun minnu turula yoro kofolen ninnu na, u bee falenna a njema nka u ma den folo (nsirasun be san 6 fo 10 ke ka sorço ka den). Demebaga sorola cakeda in na a ka baaraw walyeli la. O ye Siwisikaw (faraje dow) ka kenyereye cakeda do ye n'o ye "NORVATIS" ye. Baaraknjogonya in daminenan san 1995. Cakeda fila ninnu be kañinini ke nsirabulu n'a den kan. O sira kelen kan, feere jönjönw sorola nsirabulu maracogo n'a lakanacogo numan na. Dabaliw fana sorola a jiri siyeko n'a turucogo la.

I n'a fo Donkotigi Haruna YUSI y'a jira cogomin na, an ka kan ka nsirasun lakana a nafa kama. Nsirasun

njome boli b'a dese ka den wa fana a be se ka ke sabu ye ka nsirasun faga.

A jirisun berere ninini y'an ma wajibi ye k'a da nsirasunko donniya sorolenw kan. Boko were la kibaruyaw bëna boli Togoda Soroko Cakeda kan n'o ye "IER" ye.

An ye nin kibaruyaw bo "IER" ka Moni ni Kungokonjiri Soroko bolofara la (Sotuba, Bamako) an ni Haruna Yusi ka kumajogonya senfe.

Latombaga Yusufu JALO

Poyi Malidenw

Malidenw an ka sabali,
Malidenw an ka miiri,
Maliden an ka taasi,
Do kera tineni na sa.
An ka dooni ke dilanni fana na ten,
An kana tineni ke ko an ma ke depite ye,
An kana tineni ke ko an ma ke peresidan ye.
Jamanadenw ka ca, peresidan ye kelen ye,
Dugudenw ka ca, dugutigi ye kelen ye,
Dudenw ka ca, dutigi ye kelen ye
O la, an ka sabali.
Kunu temena.
Bi sera.
Sini be na.
N'an ma sabali,
An bëna bolo su an yere ne na.
Ala ka an kisi o ma.

Karimu Bangali, sekretéri AV
koro don Njoloké Dogoni mara la

Denw ka baloko Jiriden nafa

Fen o fen n'a be mago ne maakoro ye keneya siratige la, anw k'a don k'o neciba be den fana ye. Jiridenw joyoro ka bon farikolo ka keneya la, o de koson jiridenji ka kan ka di den ma n'a bange ye kalo saba soro.

Jiri jumen den be se ka di den ma ? Jiriden minnu soro li n'u dumuni ka teli olu file :

- lemuruba, lemurukumunin, manderenin, lemuruba kunaman ani tamati. Olu be soro tuma bee. Jiriden doweres fana be yen, i n'a fo : zere, manje, jabibi, melen ani mangoro. Olu be soro waati ni waati. Nin jiriden bee be nafaba ne den farikolo ye. Ninjiriden min be di den ma, fo a ka ke molonba ye.

Jiridenji be dilan cogodi ?

Jiriden o jiriden n'a be di den ma, n'i y'a ji bo yoro min, i b'a d'a ma i koro. Jiridenji te sigi ka men fine la, o be caman bo a nafa la. N'i y'a dilan i koro i b'a di den ma. N'i be jiriden fen o fen ji bo, aw kana minen negema ta (i n'a fo tasa...) bari farikolo nafafen min b'o nege b'o be tine. O la sa, n'an be jiriden min ji bo, an ka weri, filen, manatasa walima bogodaga do ta. Denw ka ko o ko fo an ka sanuya k'an taalan ye walasa den ka kisi konoboli ma. O la fo i ka jiriden in baaraminenw bee ko ni jiwulilen ye : muru, kutu, teme, manatasa walasa ka banakise faga ka b'u la. N'i ye minen sanuya, i be jiriden in yere ta k'a ko safune la, wali sanuyalan min be feere faramansi la. Ka soro k'a woro, k'a tige. O ko, i b'a bisi ka tila k'a sensen ka kolo ni naga bo a la. Jiriden dow be yen, minnu ji gerengere be di den ma olu ye lemuruba, manje, jabibi ni mankoro ye. Nka lemuruba kunaman ni lemurukumuninji numan dooni be fara duji kan, ka

soro ka sukaronin k'a la, k'a di den ma. Min ye tamatiji ye, i be sukaronin k'o fana na, k'a ben den ma. Hake min be di den ma tile kono. Do be fara den ka jiridenji minta kan tile kono n'a si be krobaya ka taa.

- Den kalo saba : Kutunin ne kelen
- A kalo naani ni duuru : Kutunin ne fila

- A kalo wooro : dumuniketu ne fila. Nka jiridenji te di den konobolito ma de. Fo a k'aw hakili to o la.

N'i y'a soro den kono jalen don, ni dumuniketu ne fila tun be d'a ma tile kono, aw b'a ke ne naani ye. O be ka ke sababu ye ka den kono magaya. Nin bee ye jiridenji nafa do ye, bari a be denw kisi fiyeli ma. An be denw fiyeli min ke ni furajiw ni safunei ye, o man ni bawo a be se ka konoboli wali togotogonin lase denw ma.

An k'an timinandiya ka jiridenji di den ma ni kutu ye. A man kan ka ke "biberon" kono. A jira la ko den min be jiridenji min ni kutu ye, n'o banana, a be se ka kenevaji min walima ka furake nogoya la.

Ni den temena kalo wooro kan, jiriden yere be se ka di a ma ka soro i m'a jibo, i n'a fo : tamati kelen, lemuruba fankelen, manje dooni, mankoro ani namasa. Zere ni buyaki olu koloninw be bo u la, o be olu dundiya den bolo. Wa n'i ye jiriden tereke kutu la, ka sukaronin k'a la, o ka di denw da kosebe.

Kungojiriden dow be yen, minnu nafa ka bon kosebe den farikolo la. Nka ji t'a dow la. I be se k'olu di den ma, a k'u susu, wali i yere ka ji dooni k'olu la, k'u nooni. Jiriden be nafa ne an denw ye. Jiriden be den ka keneva sabati a nema.

Fanta Kulubali

POYI INI CE

I ni ce! senekela waraba.

Ni ne ko i ni ce, a lamine.

I ni foli ka kan.

San 40 i be foro kelen in sen,

A ma jo.

Soro ma dogoya.

San o san do be fara soro kan.

Dunkafa sabatilen don i ka du kono.

No be soro

Kaba be soro

Sansabano b'i ka jiginew kono,

I be koori sebekoro soro.

Mun y'o ke ?

Cesiri ni ladilikanw labatoli.

I ni ce, i ni daba.

Nka, n'i y'a men jor kunandi a fo sabu numan.

I ka foro te se ka jo.

K'i to nogodilan na werejana kono,

K'ito nogodinge labenni na san o san,

Nogo b'i ka forolabo.

K'i to CMDT ka baarakeno gonya kono,

I ka soro be jiidi,

I be yiriwa, dugu be yiriwa,

Faso be ke yeelen ye,

Bawo, i ka netaa siraw jelen don,

I ko koori.

I ni ce, i ni foli ka kan.

Musa Zano TARAWERE
Kucala CMDT Kalanko Caden

Adamadenw tə kow latine nōgon ma gansan


Ka bə Amadu GANI Kante yoro

Kolatiñe ye balan, nanbara nagami, nkalon ani kala-baanciya n'u nōgonaw donni de ye Adamaden naniyalako sirilen də la, walasa k'a bali ka sira soro, k'a tijé, k'a lasa, k'a dabila, a diya n'a goya la. O naniya sirilen bə se ka kə naniya numan ye. O bə latine mögo də bolo, k'a ladilan mögo də ye. O misali ka ca. A də ye dugukoloko ni musoko ye. Adamaden dəw bə fən bəe kə k'u Adamaden nōgon ka dugukoloko, wali a ka musoko n'a ka kowere latige, u yere, wali u somogow n'u teriw kanma. A naniya sirilen bə se ka kə naniya jugu ye. O bə latine mögo də bolo, ka mögo də kisi. O fana misali ka ca. A də ye nəjininiko, dabaliko ani donkōnko ye, minnu bə ke ka mögo lanogo, k'a lajaba, k'a nagasi, wali k'a faga. Ni Adamaden dəw bər'u Adamaden nōgon nəjininiko kalama, u bə fən bəe kə walasa k'a tigi bo bolo la, hali n'u dənbaga tə, kuma tə n'a kər'u somogow, u jənogo, a n'olu fana ka mögo ye. Adamaden naniyalako tijeni dulonnen b'a lakodōnni de la. O b'a jira ko mögo tə wuli, k'i cəsiri naniyalako tijeni baaraw la fo n'i y'a men. O mencogo ka ca. A bə men a tigi yere da, n'a ma se k'a to a kōno. A bə men mögo da, a y'a fo min ye, n'o ye dalafegen ye. O dalafegenya de siratige la, mögo caman b'a men. Sokononaw la, a lakalibaga ka ca musow, ani denmisennin kolakalila nendumanw de la. Olu b'a naniyalako gundo bəe bərōtə bəe nena ka sər'u t'a dən k'u ye kojugu ke. A bə to lakali de sira kan f'a bə da mögo tulo kan, min bə k'a latinenibaga ye. O cogo de la, mögo kelen bə se ka mögo were wali mögo caman ka kow latine u ma. Mögo caman bə se fana ka mögo kelen ka kow latine a ma. Mögo yere bə se ka ke sababu ye k'a togolako latine a yere ma. O misali ye kuma kōroma minnū yə, o b'a jira ko "ni do ka ba ma faga, də ka na tə diya", wali ko "də ka bəne ye də ka həre ye". Ni mögō ma ke nōgon fe, u tə ke nōgon ka həre fe. O

bə, nka n'i da y'i don, i tə bə". A filan b'a jira ko "ni mögo kōrōtō" niyōrōsuman kōrō, i laban b'a kalamā dun". A sabanan b'a jira ko tilalikoyoro la, nataba laban bə sara jugu de cə". Nin kuma kōroma saba bəe b'a jira ko "kuma" ni "kōrōtō" ani "natabaya" bəe bə adamaden bila k'a yere togolako latine. Dəw bə "siran" ni "maloya" far'a kan. Nin bəe la, adamadenw tə kow latine nōgon ma gansan. Kun de b'a bəe la. A kun cayara cogo o cogo, a bəe dalen bə juguya de kan. O juguya bə tali kə bənbaliya de kan, min bə adamadenw cəkow geleya k'u bila nōgon kō, sokononaw ni kənemanaw na. Dəw bə nəngoya, mangoya, janfa, fadanya ani sinaya far'a kan, ko ka se fən werew ma, minnu bə mögō negebo nōgon na, f'u tə se ka kə nōgon fe, cogo si la. A kolatiñe baara dabokun ye naniyalako tigilamögo mago sali de ye, k'a jigi tige, k'a dusukasi, k'a səgen, k'a lamaloya, k'a ka sentanya jir'a la. O de bəna ni kow latinenibagaw dantigeliko ye. O siratige la, bəe b'a dən ko mögo suguya minnu bə se ka kow latine, yorōn kelen, u yere wali, mögo were diyanyeko kanma, ni fosi tə b'a la, o ye faamalamögō ni nafolotigiw ani dənnikelaw ye. Dəw bə muso ni namakalaw far'a kan. Olu fana tə dəse fosi la. Muso bololankolon ka farin ni cə maramafəntigi ye. Muso bə sən ka fən bəe latine, fo fən min ka d'a ye. Muso de bə se ka faamaw ni nafolotigiw ani dənnikelaw b'u ka naniyalakow sira kan, k'u bila a yere sagona sira kan. O b'a jira ko musow joyoro ka bon adamadenw ka kow latinenliko la, nōgon ma. A ko caman na, cəw b'u siri musow de la. Muso bə se ka ko labennen latine, n'o ye ko bilalen kōrō ye bolo kelen kan, kuma tə naniyalako fəlen dərōn ma. O misali ye kuma kōroma minnū yə, o b'a jira ko "ni do ka ba ma faga, də ka na tə diya", wali ko "də ka bəne ye də ka həre ye". Ni mögō ma ke nōgon fe, u tə ke nōgon ka həre fe. O

həre bə lasa cogo o cogo, o feere bə tige a nəma, k'a kə dimi donni kanma, nōgon na, wali mōne, fo ka se jigitige ni maloya ani adamaden dəgoyalikow m'a yere bolo. Ni adamaden dəw dəgoyara u yere bolo cogo jugu dəw la, dīne bə negebo u la, fo yerefagaliko bə jigin u kōnō. Yerefaga bə kə, hali n'a man ca. Dəw bə mögo werew faga, ka tila k'u yere faga o nōgonin kan, a yoro kelen na, ko "saya ka fisa ni malo, wali yekofila ye". Dəw bə kin, dugu, wali jama-na yere bila, ka t'u kufə. Olu dəw tə segin so tugun: O bəe bə sərō kolatiñe dusukasi bonyaliko jugu de fe, min bə sigi goya hərōn bəe bolo. A kera cogo o cogo, kolatiñe tə dabo numan kanma. Nka, n'i ko k'i bə mögo dəw ka kow latine, n'o ko ma tijé, fo kojuman de bor'a la, o tə balanako ye, ka masōrō, Ala tə mögo dəw labila u ka kow latinebagaw ye. Kabini adamadenya n'a nōgon juguyako sabatira dugukolo kan, mögō bə nōgon ka kow latine nōgon ma, k'o sababu kə nindugōko, yeresagoko, wali yerejirako ye. Ni adamaden ma ke nōgon fe, ka bə nōgon kō, ka nōgon gasi sigi, ka nōgon ye, ka nōgon to yen, ka nōgon magow saliko bō senna, kolatiñe tə dabila fo ka dīne wuli. Nka, fən min b'a jira k'a tə se ka dabila cogo si la, o ye adamadenw dacogo ye, ka dəw ke cə ye, ka dəw ke muso ye, ka dəw ke setigi ye, ka dəw ke sentan ye, ka dəw ke jogonumantigiw, wali jogoju-gutigiw ye, ka mögō kodiya, wali k'u kogoya nōgon ye, ani fən were minnu bə mögo cəkow lase f'u latineni ma. O latineni baara dəw bə ke dogo la, wali ji jukōrō. Mögō bə b'o kalama tuma min na, o y'a sər'a ko banna. A baara dəw bə ke kēne kan. Mögō minnu b'o kə, o ye təgotigiw de ye. Olu de b'a jira ko karisa ye fən min keli naniya siri, o for'u ye, nka, olu b'a latine, hali sə tə wuli ka b'a fan kan. O fora cogo min na, o bə k'o cogo la. Nka sira dəw kan, mögō bə mögō were ka kow latine, a tigi yere ka həre kanma. O misali ka ca dantigeli ma. O tə baasi ye.

Djne ye baroso ye



Nin kera masake do ye, a togo ko Jirikoro. Muso kelen tun be a fe, o ta ye cene dan ye. Muso in togo ye ko Buguri. Jirikoro ni Buguri tun ka di i ko di ni dibara. Masake Jirikoro be fen bee ke Buguri ye. Buguri kololen don a ye i ko sagamone. N'a be suman sigi, a b'i nongiri. N'a be ji d'a ma, a b'i nongiri. E ! Buguri tun ye muso dafalen ye !

Masake Jirikoro dogoke Falibo b'u fe yen. Falibo ye kamalen numan ye, dabanjana don, ce jolen don. Mog si t'a ye n'i ma k'a fe. Falibo tun ye masake Jirikoro jigi ye. A ye fen bee ke Falibo ye. Buguri kanu nana don Falibo la, fo k'a dese a yere la. Don do Falibo n'a terike Misibo be baro la. Misibo, teriya ye sutura ye. Bi n bena gundo do f'i ye. I k'a don ne jarabilen don n koreke muso la de !

- E ! Falibo, o te basi ye. Jon bee n'i dakan!! O duguje, Falibo nana Buguri sogo mafo. Buguri ne koni desera sa. Kabini ne y'i ye don min, ne y'i naniya ni n yere dorenpe de ye,

Jekabaara

Lablikuntigi
Yusufu Jalo
Sebenjekulukuntigi
Yusufu Jalo
Sebenjekuluku
Bakari Sangare
Yusufu Fane
Jekabaara ni ONG cesira
taamabaga
Fanta Kulibali
Negenw kebaga
Nuhun Madani Tarawere
ko Banun
Baarakelognon
Makoci, SNV, OCED
Hakebota:
11000

nka...

- Buguri y'i kanto : "E ! Falibo o be ke... ne b'i koliji bo don o don. Nka, n'i ye w提醒 bilen ye faga kono don min, o koro ye ko n make te na, o tuma i be n soro bugu kono.

- Falibo be koli la negen kono, maanu wala ! ne dun be na w提醒 bilen tomor don jumen faga in kono sa !

- Taratadon do fe, negen kono, Falibo y'i bolo bila faga kono yoro min, a bora ni w提醒 bilen coricori kelen ye. E ! bi ye donba ye, don ka jan a sebali te. Ne be tila ka n bila ceminenw na ka su ma kono. O don, Buguri fana y'i labe. Sufe, Falibo y'i den dibi la ka don Buguri ka so kono. A y'i molonti ka kalaka magen. A y'i bolo bo dibi la ka dalan momo. A bolo taara bila situlenba do la, a kera a kono k'o ye Buguri kunsigi ye. O yoro la, masake Jirikoro girinna ka wuli k'i kanto :

"Jon don ? A kera di ?"

Falibo y'i pan k'i fili kene ma, k'i sen fa. A jawuli kojugu taara k'a ka sabara sen kelen to Buguri ka bugu kono. Sanni dugu ka je, Buguri y'i den ka taa fo Falibo terike Misibo ye, k'u ka feere nini cogo bee la walasa ka Falibo kisi maloya ma.

Dugu jelen, masake Jirikoro ye jelike Kodon bila ka tabale gosi : "Dugu ce n'a muso, faama ko k'a fo aw ye, ko bee ka nogen soro balansanba koro sisani ko kuma b'a fe". Bee girinna ka balansanba korela magen. Bee k'i folo ka se. Buguri sigilen Jirikoro kerefe, jama jolen be.

- "Ayiwa n y'a wele bi, basi te. Suro, yeredonbali do donna Buguri kan, n y'a poroporo, a ninana a ka sabara sen kelen k'o. O tuma bee k'i sen don kelen kelen sabara in kono n'a benna mogo min sen ma, o kun be tige ka bo a kanba dala".

Jama jolen siranna. Bee y'i sen laje sabara la. A ma ben mogosi sen ma. O yoro la, do y'i kanbo jama la : "A to ye Falibo n'a terike Misibo ye. Masake Jirikoro y'i kanto : "Kodon taa u nini ka na ! O waati y'a soro Falibo n'a terike Misibo taalen be kungo kono ka feere tige min be se ka Falibo.

kisi malo ma. U ye waraden ta, u seginto ni Kodon benna, o y'i kanto : "A y'a teliya maatigi be k'aw kono ! E nin ye mun y'a bolo ?

- Misibo y'i kanto : "Falibo ka setigya n'a ka yerewoloya waraden don !" U selen balansanba koro, Misibo folo y'i sen don sabara kono, a ma ben o sen ma. Nin kera kojugu ye ! hun ! hun ! hun ! Subahanalayi, bi te diya ! Falibo y'i sen don sabara kono yoro min, a benn'o sen ma teru. Falibo jolen tora ten kelenwu. Jama siranna. Masake ye npamuru ta, k'i kanto : "A y'a mine n k'a kun tige ! A y'a mine joona". Jama girinn'a kan.

- Buguri y'i kanto : "Yanni i ka baga a ma i ta nininka munna a y'a ke ?"

- Masake k'o ye tige ye ! Falibo mun na i donna Buguri kan su fe ? Munna i b'a fe ka n nene ma cen ta wa ?

- N koro, ne ye n kali e bonbonsi la, ko n'a y'a soro n ye yerewolo ye, n be waraden ta, foyi kana n soro.

- Masake ko : ayiwa kalikan folo tiimena, i ye ne bonbonsi mine... Kalikan filanan dun ? Waraden be min ? O yoronin bee la, Misibo bora ni waraden ye kene kan. A file. Faama ye waraden munumene : Aa ! Falibo i ye yerewolo ye, do farala i ka jala kan bi.

I k'a don Falibo fagali ma bo koyi. N balimaw, muso ye namanton ye, fen bee be se ka dogo a koro. Maa min be tige yelema k'a ke nkalo ye, Ala k'an kisi o tooro ma.

Yusufu Famori Fane

**CMDT mogo minnu ye sebenni
ke boko in kono;**

Madu Yusufu Sise - Bamako;

Dawuda Matiye Dapo -
Bamako;

Mamadou Lariya Sise -
Bamako;

Usumani Tarawele - Fana;
Daniyeli Kulibali - Buguni;

Burehima Dunbuya - Buguni.

Amadou Teli - Sikasso;

Musa Zano Tarawele - Kucala;
Siyaka Dunbiya - San;

Yusufu Jim'e Sidibe - Kita.